



UDRUŽENJE DRUŠTAVA ZA OSIGURANJE U FEDERACIJI BOSNI I HERCEGOVINI
UDRUGA DRUŠTAVA ZA OSIGURANJE U FEDERACIJI BOSNI I HERCEGOVINI
ASSOCIATION OF INSURANCE COMPANIES IN FEDERATION OF BOSNIA AND HERZEGOVINA
71000 SARAJEVO, Đoke Mazalića 4/III

Registrovano: Rješenje Federalnog ministarstva pravde
broj: 04-05-2-1711/07 od 12.11.2007. god.

Djelatnost: 91.330

ID broj: 4201279370007

Email: udofbih@bih.net.ba

Telefon 033 207 881

Mobilni 062 991 860

Broj: 17/15
Sarajevo, 10.04.2015. godine

UDRUŽENJE POSLODAVACA FBiH
n/p Direktora Pandurevića

71000

SARAJEVO
Mula M. Bašeskije 12/3

Predmet: Inicijativa za postavljanja pitanja ustavnosti presuda osnovnih i kantonalnih sudova u vezi primjene KU i za raskid važećih granskih Kolektivnih ugovora.

Sarajevo, 20.04.2015
M. Pandurević

Poštovani gospodine Pandurević,

Na sjednici Skupštine udruženja društava za osiguranje u FBiH, održane 07.04.2015. godine u Sarajevu, prihvaćen je prijedlog od strane naše članice da se obratimo Udruženju poslodavaca FBiH sa inicijativom da se razmotri mogućnost postavljanja pitanja Ustavnom sudu Federacije BiH o ustavnosti presuda opštinskih i kantonalnih sudova po pitanju primjene odredbi iz Kolektivnih ugovora.

Naime naša članica, Bosna Sunce osiguranje nam je dostavila kopiju svog pismenog obraćanja od 10.12.2013. godine Opštinskom sudu u Zenici i Kantonalnom sudu u Zenici sa inicijativom da se od Ustavnog suda Federacije BiH zatraži tumačenje ustavnosti presude po predmetu 430 Rs 091 764 11 Rs u kojem su dali obrazloženje svoje inicijative. Kopiju ovog dokumenta Vam dostavljamo u prilogu.

Imajući u vidu da i drugi poslodavci koji su potpisnici granskih Kolektivnih ugovora imaju iste probleme očekujemo da ćete razmotriti mogućnost da se ovo pitanje aktuelizira jer će Udruženje poslodavaca FBiH imati veću snagu za pokretanje ove inicijative.

Pored prednjeg, na sjednici Skupštine je zaključeno da pokrenemo inicijativu da se svi važeći Kolektivni ugovori raskinu i da se što prije ova materija uredi novim Zakonom o radu.

S poštovanjem.



Predsjednik
Skupštine udruženja:
Zlatan Filipović, dipl.jur.

Sarajevo, 10.12.2013.

OPĆINSKI SUD U ZENICI
Trg BiH 2
72000 ZENICA

Za:
KANTONALNI SUD ZENICA
Ul. Masarykova br.50
72000 ZENICA

Veza broj: 43 0 Rs 091724 11 Rs

Predmet: INICIJATIVA za postavljanje „ustavnog pitanja“ prema Ustavnom sudu Federacije B i H

Podnosilac: Bosna-Sunce osiguranje d.d. Sarajevo, ul. Trg međunarodnog prijateljstva br.20, zastupan po direktoru Željku Pervanu

Kao prilog našoj žalbi po kojoj će se odlučivati u pravnoj stvari koja se vodi na Općinskom sudu u Zenici, pod brojem: 43 0 Rs 091724 11 Rs, po tužbi tužitelja Neslanović Husnije, zastupanog po Alić Emiri advokatu iz Zenice, protiv Bosna-Sunce osiguranje d.d. Sarajevo, ul. Trg međunarodnog prijateljstva br.20, zastupan po direktoru Željku Pervanu, a svjesni važnosti samog Spora i njegovog ishoda, na mogućnost budućih masovnih tužbi zaposlenika iz cjelokupne grane financija, visine pojedinačnih odštenih zahtjeva koje dostižu iznos preko 100.000 KM molimo Sud da sukladno svojim ovlastima uputi Ustavnom sudu Federacije Bosne i Hercegovine ustavno pitanje i zatraži ocjenu ustavnosti i usklađenosti sa preuzetim evropskim konvencijama i ostalim međunarodnim propisima, odredbi:

- Stavka 3. iz člana 112. Zakona o radu ("Službene novine Federacije BiH" br. 43/99, 32/00 i 29/03

kao i ustavnosti i Zakonitosti

- Općeg kolektivnog ugovora za teritorij Federacije BiH ("Službene novine Federacije BiH", broj 19/2000) i
- Kolektivnog ugovora za granu financija ("Službene novine Federacije BiH", broj 48/00)

Smatramo kako je navedni član 112. Zakona o radu u suprotnosti sa osnovnim ustavnim načelom o „podršci razvoja slobodnog tržišta“ navednim u preambuli Ustava FBiH i „principu pravne sigurnosti“ sadržanom u međunarodnim instrumentima koji obavezuju BiH, a naročito Evropskoj konvenciji o ljudskim pravima i Međunarodnom paktu o građanskim i političkim pravima i Konvencijom Međunarodne organizacije rada br. 98.

Predmetni stavak 3., člana 112. Zakona o radu, glasi:

„Do formiranja udruženja poslodavaca na strani poslodavca kod zaključivanja kolektivnog ugovora iz člana 111. ovog zakona, može biti Vlada Federacije Bosne i Hercegovine (u daljnjem tekstu: Vlada Federacije), odnosno vlada kantona.“

Na temelju takvog neustavnog članka Zakona o radu donesen je prvo Opći kolektivni ugovor za teritorij Federacije BiH (“Službene novine Federacije BiH”, broj 19/2000) a na temelju Općeg i Kolektivni ugovor za granu financija (“Službene novine Federacije BiH”, broj 48/00).

Naime, predmetni Granski kolektivni ugovor potpisan je od strane Federalnog ministarstva financija koje za to nije imalo ovlaštenje od Vlade Federacije.

Zakonska odredba Zakona o radu, čiju ocjenu ustavnosti propitujemo predviđa da na strani poslodavaca može biti Vlada Federacije, odnosno vlada kantona, do formiranja udruženja poslodavaca na strani poslodavca a ne nikako neko njeno ministarstvo.

Također niti jednim članom Zakona o Vladi FBiH niti propisima Federalnog ministarstva financija, nije predviđena nadležnost tog ministarstva za potpisivanje Kolektivnih ugovora.

Naime nedvosmisleno je da kolektivni ugovor za područje djelatnosti može potpisati samo odgovarajuće udruženje poslodavaca, područja djelatnosti, udruženih u UPFBiH. Ukoliko se radi o kolektivnom ugovoru za jednog ili više poslodavaca mogu ga potpisati samo predsjednici Uprava navedenih poslodavaca.

Imajući u vidu navedeno kod potpisivanja navedenih Kolektivnog ugovora u pogledu ugovornih strana isključeni su poslodavci iz procesa pregovaranja i potpisivanja kolektivnog ugovora a što je u suprotnosti sa članom 112. Zakona o radu FBiH. Općim kolektivnim ugovorom za teritoriju FBiH, te Konvencijom ILO (međunarodna organizacije rada) br. 98 odnosno njenim članom 4. koja je obavezujuće za BiH.

Predmetnim Granskim kolektivnim Ugovorom za granu financija, određuju se iznosi „minimalnih plaća“ nekome trećem tko na to nije pristao, nameću se obaveze koje nemaju nikakvu tržišnu revalorizaciju i utemeljenost te ruše sve principe tržišnog privređivanja.

Kako se to reflektira u praksi pokazuje nepravomoćna presuda Osnovnog suda u Zenici broj **43 0 Rs 091724 11 Rs** od 20.11.2014. godine na koju smo izjavili žalbu, kojom se dosuđuje kako je iznos „minimalne plaće“ trostruko veći nego što je tvrtka isplaćivala!

Način obračuna plaće koji se vrši tako da se koeficijent koji zavisi od stručne spreme i radnog staža množi sa iznosom prosječne plaće u Federaciji BiH. Takav sustav određivanja plaća doveo bi u bezilaznu situaciji svaki gospodarski subjekt u finansijskoj djelatnosti.

Osiguravajuća društva i ostale finansijske institucije koje rade na tržištu i svoje cijene usluga formiraju na tržištu nikako ne mogu biti prepuštene sudbini da im netko treći određuje troškove zaposlenika.

Ukazujemo na svu apsurdnost situacije da se od strane pojedinih sudova kao relevantan pravni akt uzima neosporno neustavan i nezakonit granski kolektivni ugovor.

Sudska vlast mora da se pridržava načela „pravne sigurnosti“ kada primjenjuje pravne instrumente na konkretne predmete i kada tumači zakonske odredbe.

Među međunarodnim sudskim institucijama, Evropski sud za ljudska prava u nekoliko navrata se bavio analizom načela pravne sigurnosti.

Potvrđujući da je ovo načelo „jedan od fundamentalnih aspekata vladavine prava“, Evropski sud da ljudska prava stavlja među svoje uslove „da svi zakoni /treba da/ budu dovoljno precizni da omoguće licu /.../ da predvidi, u mjeri u kojoj je to razumno u datim okolnostima, posljedice koje određena radnja podrazumijeva ranije odluke stalno ne osporavaju“ i „da /sudovi/ ne treba da odstupaju, bez valjanog razloga, od presedana uspostavljenih u ranijim predmetima“.

Pravna sigurnost je načelo koje je sadržano u međunarodnim instrumentima koji obavezuju BiH, a naročito Evropskoj konvenciji o ljudskim pravima i Međunarodnom paktu o građanskim i političkim pravima.

Zbog svega iznijetog tražimo od uvaženog suda da postupi po našem prijedlogu.

Direktor Društva
Željko PERVAN

